

4. gr.

Háskólaráð úthlutar því fé, sem verja skal samkvæmt 3. gr.

5. gr.

Reikning sjóðsins skal birta ár hvert í Stjórnartíðindum og Árbók háskólans. Reglur þessar staðfestast hér með að fengnum tillögum háskólaráðs, sbr. 11. gr. laga nr. 25/1921, um einkaleyfi handa Háskóla Íslands til útgáfu almanaks.

Í menntamálaráðuneytinu, 18. desember 1973.

Magnús T. Ólafsson.

Birgir Thorlacius.

19. desember 1973.

Nr. 408.

Staðfesting forsetans á skipulagsskrá fyrir Minningarsjóð um Þorgerði S. Eiríksdóttur, útgefin á venjulegan hátt að mandatum af dómsmálaráðherra 19. desember 1973.

Skipulagsskráin er þannig:

SKIPULAGSSKRÁ

fyrir Minningarsjóð um Þorgerði S. Eiríksdóttur.

1. gr.

Sjóðurinn heitir Minningarsjóður Þorgerðar S. Eiríksdóttur.

2. gr.

Sjóðurinn er stofnaður til minningar um Þorgerði S. Eiríksdóttur, er lést 2. febrúar 1972. — Þorgerður var fædd 20. janúar 1954.

Stofnendur eru: Tónlistarskólinn á Akureyri, kennarar við Tónlistarskólann á Akureyri, Tónlistarfélag Akureyrar og aðstandendur.

Stofnframlag er kr. 100 000,00 — eitthundaþúsundkrónur 00/100 —.

Sjóðinn skal ávaxta á þann hátt, sem stjórn hans telur hyggilegast á hverjum tíma.

3. gr.

Höfuðstól sjóðsins, stofnframlag og það, sem við hann bætist, má aldrei skerða.

Allt það fé, sem í sjóðinn kemur, með gjöfum, áheimum og hvers kyns framlögum, s. s. af sölu minningarspjalda eða á annan hátt, skal leggjast við höfuðstólinn. Sama gildir um fé, sem inn kemur á tónleikum, sem stefnt mun að, að haldnir verði árlega sjóðnum til styrktar.

Aðeins vöxtum að $\frac{1}{2}$ hlutum, eins og þeir verða á þeim tíma, sem úthlutun fer fram, má ráðstafa í því skyni að þjóna markmiði sjóðsins skv. 4. gr.

4. gr.

Markmið sjóðsins er að styrkja efnilega nemendur, sem lokið hafa burtfararprófi við Tónlistarskólann á Akureyri til framhaldsnáms.

Þegar sérstaklega stendur á er heimilt að styrkja nemendur til náms, þó að þeir hafi ekki lokið burtfararprófi, einkum ef um er að ræða námsgreinar, sem ördugt er að halda uppi kennslu í við Tónlistarskólann á Akureyri.

Úthlutun úr sjóðnum fer í fyrsta skipti fram, er höfuðstóll hefur náð kr. 500 000.00.

Úthlutun er á hverjum tíma komin undir ákvörðun sjóðstjórnar, en miðað skal að því, að úthlutun fari fram árlega.

Verði, að dómi sjóðstjórnar, ekki ástæða til að úthluta úr sjóðnum í eitt ár eða fleiri, skal þeim fjármunum, sem til úthlutunar hefðu komið, veitt til nemenda eða nemenda síðar, þegar ástæða þykir til.

Styrkveitingar eru heimilar úr sjóðnum, hvort heldur sótt er um styrk eða hann veittur án umsóknar. Umsóknir skal leggja inn til sjóðstjórnar fyrir 15. apríl.

5. gr.

Stjórn sjóðsins skal halda gerðabók fyrir sjóðinn og færa í hana skipulagsskrá þessa, styrkveitingar og allt annað, er sjóðnum við kemur. Sjóðurinn, gerðabækur og allt annað, er honum við kemur, skal vera í vörslu og umsjá skólustjóra Tónlistarskólans á Akureyri.

6. gr.

Stjórn sjóðsins skal skipuð 3 mönnum: Skólustjóra Tónlistarskólans á Akureyri, einum tilnefndum af kennurum skólans og einum tilnefndum af ættingjum Þorgerðar.

Tilnefning skal fara fram árlega og fyrir áramót vegna komandi árs.

Stjórnin skiptir með sér verkum.

Endurskoðun reikninga sjóðsins skal á hverju ári gerð af hæfum og óvilhóllum mönnum.

7. gr.

Leita skal staðfestingar forseta Íslands á skipulagsskrá þessari.

Akureyri, 20. janúar 1973.

Jakob Tryggvason.

Eiríkur Stefánsson.

Jón Hlöðver Áskelsson.

Staðfesting forsetans á skipulagsskrá fyrir Slysasjóð F. Í. L. og Starfsmannafélags Sinfóníuhljómsveitar Íslands útgefin á venjulegan hátt að mandatum af dómsmálaráðherra 21. desember 1973.

Skipulagsskráin er þannig:

SKIPULAGSSKRÁ

fyrir Slysasjóð F.Í.L. og Starfsmannafélags Sinfóníuhljómsveitar Íslands.

1. gr.

Stofnendur sjóðsins eru: Félag ísl. leikara og Starfsmannafélag Sinfóníuhljómsveitar Íslands.

Sjóðurinn er stofnaður á lokadaginn, hinn 11. maí 1973, með kr. 118 366.00 — eitt hundrað og átján þúsund þrjú hundruð sextíu og sex krónum —, en sú fjárhæð er ágóði af kvöldskemmtun ofangreindra aðila með aðstoð fjölda annarra listamanna.